

جَزَائِرِ عَمَّاكِر

جمعه ایرتسی

نومرو	رجب	سنه	تشرین ثانی	سنه	صحیفه
۹۵۴	۲	۱۳۱۵	۱۵	۱۳۱۳	۱۳۵۸۱

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می فروش)
 (حسابیله التمش فروشدر . طشره لر ایچون اون بش فروش پوسته اجر قی ضم اولنور . بهر)
 (نسخه سی ینه مجیدیه یکر می فروش اولق اوزره یوزباره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دأره سنده کائن جریده محاکم اداره سنه مراجعت ایللیدر)

بك اوغلی بدایت محكمه سی مستنطق اعضائی
 طریزون استیناف محكمه سی مدعی عمومی
 سعادتلو حمدی بکه .

طریزون استیناف محكمه سی مدعی عمومی
 در سعادت استیناف مدعی عمومی معاوئلرندن
 رفعتلو مصطفی مظهر بکه .

در سعادت استیناف مدعی عمومی معاوئلکی
 بك اوغلی بدایت محكمه سی مدعی عمومی معا .
 ونلرندن عزتلو محمد مظهر بکه تفویض بیورلش

قسمت سہی

توجیہات

در سعادت استیناف محكمه سی اعضائی بك
 اوغلی بدایت محكمه سی مستنطق اعضا سندن
 سعادتلو مصطفی جمال بکه .

ومو می الیهمدن حمدی ومصطفی مظهر بکر
مأموریت سابقه لرینه حسین تعیینلرنده تحلیف
اولدقلری کبی مصطفی جمال ومحمد مظهر بکرک
دخی ذات شو کتسمات حضرت خلافتیناهی به
ودولت علیه لرینه صادقانه ایقای خدمت ایده جک لرینه
ومغایر عدالت حر کاتده بولنیه جکلرینه دایر
بو کره امر تحلیف لری اجرا قلنمشدر

یافه قضای بدایت محکمه سی اعضا سندن
اولوب مستنطق وظیفه سنی ایضا ایدن حسین
افندیکنک سرقت فعلیه مظنون اولان طه وخلیل
نام اشخاصی اون درت کون توقیف ایتد کدن
صکره مرقومانک فعل مذ کوره جرأتی اخبار
ایدن مخبر لری جلب واستماع وسائر کونه معامله
اجر ایتدکسزن صالیوبرمک صورتیله وظیفه
مأموریتی سوء استعمال ایلدیکی بیروت وسوریه
ولایت لری عدلیه مفتش لکندن توارد ایدن اوراق

تحقیقه مندرجاسندن منقهم اولمسبیله اجرای
محاکمه سی لازم کله جکی بالحواله امور جزائی
مدیریتدن افاده اولنمسی اوزرینه اولوجهله
اعضای مومی الیهک تحت محاکمه الیمسنه
مأذونیت اعطا وایقای مقتضای ضمتنده بیروت
استیناف محکمه سی مدعی عمومیلکنه تبلیغا اجرا
اولنمشدر .

قسم غیر رسمی

انظاکیه بدایت محکمه سندن ۱۶ کانون اول
سنه ۳۱۰ تاریخی واولتوز سکر عددی ایله پریلان
اعلامک مابعدی

اعلام مذ کور مألنه نظراً مزبور هواجه

دیتمیرینک مشترکاً متصرف اولدینی مذ کور
قطره محله سندن کائن معلوم الحدود برباب خانه
سند مرقومان خلیل وحیب فضولی اوله رق
اقامت ایتدکده اولدقلرندن بختله مذ کور خانه نک
تخلیه سته مجبور طوتلملرینی طلب ودعوی ایتسی
ومرقومان خلیل وحیبک دعوی واقعه یه اجابت
ایتماسی اوزرینه عن الغیاب جریان ایدن محاکمه
وتدقیقات منازع فیه خانه نک درت حصه اعتباریله
ربع حصه سی مدعی مرقوم دیتمیری به وبر حصه سی
دخی برادری واسبیله ودیکر برربی دخی روم
کلیداسنه طائد اولوب اولوجهله تصرف ایلدیکی
تیین وتحقق ایتسنه مبنی بجه نک بیک یوزسکسان
وبیک یوزیمش التمنجی ماده لری حکمنه توقیفاً
مهایه طریقله حصه دارانک منازع فیه خانه ده برر
سنه مدت اقامت لرینه دایر صادر اولان اعلام
غیابی حکمنه مرقومان خلیل وحیب طرفلرندن
عدم قضا علیه اعتراض علی الحکم ایدیلرک مذ کور
خانه دیار اخرده بولنان پدرلرینک اولوب بوبابده
کندولرینه خصومت توجه ایتیه جکنی افاده
وانبای ایتلری اوزرینه وجاهاً سبق ایدن محاکمه
وتدقیقات نتیجه سنده معترضان مرقومان طرفندن
درمیان اولنان اعتراضات حکم غیابینک فسختی
موجب کوریه مدیکندن اعلام غیابی مذ کورک

ایجابی مذا کره اولدقد اعلام مذ کور مندر
جاسندن اکلاشلدینی اوزره مدعی علیها حیب
وخلیل منازع فیه خانه یه شایماً پدرلری متصرف
اولوب بوبابده کندولرینه خصومت توجه ایتیه
جکنی درمیان ایتلرینه وبتله جلیل حکمنه
دعوی واقعه مدعی علیهمانک پدرلرینه توجه
ایتیه جکنه بناءً آنک جلب ومحاکمه سی لازم
کلورایکن مدعی علیهمانک علیه لرینه حکم ویرلی
یولسز ومخالف اصول وقانون بولنش ومستد

عيلرك باشلوجه اعتراضى بوجيته متدائر اوله رق شايان قبول كورنمش اولديغندن اصول محاكمه حقوقيه قانوننك ايكيوز اوتوز ايكنجي ماده سى موجبنجه اعلام مذكورك نفضيله قانون مذكورك ايكيوز قرق درونجي ماده سى حكمنه توفيقاً كيفيتك برمنوال مشروح اعلامه ربطى ضمننده محكمه مذ كوره يه اعاده سنه وزيرده مفرداتى مرقم اوج يوز طقسان بش غروش مصارف محاكمه نك ايلروده حقسنر چيقه جق طرفه رجوع ايتك اوزره اول امرده مستدعيلردن اخذينه ۳۰ نيسان سنه ۳۱۲ تاريخنده متفقاً قرار ويريله رك تفهيم قلندى .

اعلام مذ كورك خلاصه مالى مزبور داويدك تحت التزامنده بولنان مواقع معلومه اعشارندن شوقى افندى چقتلكلى ايله اركلر ويارجه وييلان كولى خارجلرى كافه محصولات عشريه سنك ككبوزه قائم مقاملنك ۲۲ ميس سنه ۳۰۹ تاريخلى تحريراته ملفوف اوله رق ابراز ايديلان برقطعه دفتر موجبنجه ككبوزه قضاسنجه حيات واستيفا قلندينى اكلاشلمش اولسنه مبنى مذ كور دفترده محرر حاصلات متنوعه نك نمونه لرى وجهله بشيوز سكسان يدى بچق كيل خطه وايكيوز اوتوز ايكي كيل شعير وايكيوز يكرمى ايكي بچق كيل علف وبوز درت كيل برشك چودار ويدى بچق كيل بورجه بالغ اولوب بولرك عند الحساب عشرى اولدينى اكلاشيلان مقدار معلومه نك رايچ وقته كوره اتمان بالغه سنك بدل احاله دن تزييله حكمدن ومستدعى تمين مالىه خزينه جليله سى و كيلي

اذميد بدايت محكمه سندن ۵ اغستوس سنه ۲۰۹ تاريخلى ايله اعطا قلنان اعلامك تمينينى استدعا ايدن مالىه خزينه جليله سى و كيلي عمر اشرف افندى ايله مدعى عليه اذميدده اطهر

عمر اشرف افنديك اشبو حكم عليهنده كي اعتراضاتك باشلوجه سى بدايه ابراز ايديلان دفتر بينه قانونيه دن غير معدود ايكن مذ كور دفتر موجبنجه ذخائر مذ كوره نك سنه مرقومه ده كي قيمتى اعتباريله اتمان حاصله سى حساب و تعيين ايدلمكسرين مجهول اوزرينه حكم ويرلسى مقاير قانون اولديغندن بحثله اعلامك نفضى ومدعى عليه داويدك نتيجه جواي دخى حكم اعلامك اصول وقانونه موافق اولدينى بيانيله تصديق استدعاسندن ومعاون مومى اليهك مطالعه سى دخى بدايه كشف دخى اجرا قلنمش ايسه ده نائب طرفندن تنظيم ايديلان تقريرى طرفينه تبليغيله ادعا ومدافعه لرى استماع قلنامش اولدينى بيانندن عبارت بولنمشدر .

ايجابى مذاكره اولندقدده اعلام مذ كور مندرجاتندن منقهم اولديغه كوره بدايه برمنوال محرر تزييل بدله حكم اولنمش ايسه ده ككبوزه قضاسنجه تعشير اولندينى بيان ايديلان محصولات عشريه نك رايچ وقته كوره محكمه جه قيمتى تقدير وتقويم اوله رق اولوجهله بالغ اولدينى اتماننك بدل التزامندن تزييله مدعا بهك تعينى قانوناً مقتضى ايكن بوجهت نظر دفته النيه رق على

ساقز جزيره سنده ساكن ني قوله اجالا ايله بك اوعلنده غلاوانى زقاغنده يكرمى سكر

نومرولو خانه ده ساکنه ارتيازقو مالا قادين
يئنده متحدث دعوايه دائرردوس تجارت محكمه
سندن ۲۱ ايلول سنه ۳۰۹ تاريخيله ويريلان
اعلامك متضمن اولديني قرار كفالت استينافيه
عليهنده درميان اولنان اعتراضاتك رديله اساس
دعوانك رؤيتي لزومه دائر اولغله تلاقيسي غير
قابل اولان قرار قرينه لردن اولوب اولديني
حقنده تساوي ارا وقوعبولش اولمسنه مبنی
محكم نظاميه نك تشكيلات قانوننك تعديل ايديلان
دردنجي فصلنك سكرنجي ماده سي موجبجه
هيئت عموميه جه بالذاكره قرار مذكورك قطعي
وقابل تمیز اولديني جهنله تمیز استدعائنامه سنك
قبولدن صكره اعلام مذكورك تصديقي حاوی
هيئت عموميه دن صادر اولان ۷ مایس سنه ۳۱۰
تاريخي وطقسان سكر نومرولی اعلام عليهنده
مرقوم ني قوله اجالانك و كيللری عرفان بك
ومیخالاکي وواسیلا کی افندیلر طرفندن اعطا
قلنان تصحيح قرار عرفالنده استيناف محكمه سنه
اعطا قلنان كفالتنامه لردن برنجي تجارت اوطه -
سنجه مصدق ايسه ده كفيل قادينك ايسیوميا دينك
معتبر اولديني نافع و عدليه نظارت جليله لردن
محكمه يه اشعار قلنديني حالده كفالتك قبول ايدلمسی
وايكنجي كفالتنامه نك مقاولات محرركنجه چين

تصديقه ايكي نفر شاهد جلب واشتهاد ايدلماسنه
تمیزاً وقوعبولان اعتراضك اعلامده مسكوت عنه
براقلمسی قانونه مغاير ايدو کی ادعا قلمسندن
طولانی هيئت عموميه جه عرفحال مذكورك
قبول اولندقدن صكره تعيين قلنان كونده مرقوم ني قوله
اجالا و كيللری عرفان بك و میخالاکي و واسیلا کی
افندیلر ايله مزبورده ارتيازقو مالا قادين و کیلی
كهورق بلبلان افندی كلس اولدقلردن هيئت
عموميه جه ايضاحات شفاهيه سيله استماع قلنه رق
تدقیقات تمیزیه اجراسنه ابتدار قلندی .

تصحيحی طلب اولنان اعلام مذكورك
خلاصه مالی مزبور ني قوله اجالانك سافر تجارت
محكمه سندن استحصال ایلدیکی اعلام عليهنده
مزبورده ارتيازقو قادين طرفندن اقامه اولنان استيناف
دعواسی اوزرينه شرائط استينافيه جمله سندن
اولان كفالتنامه ده امضاسی بولنان كفيل ايلسيو -
مبادینك عدليه نظارت جليله سندن بالتقديم نافع
وتجارت نظارت جليله سی معرفتيله درسعادت
تجارت اوطه سنه حواله اولنان عرفحال كفالتدن
استعفا ایلدیکی بیان وادعا ایتیميله كفيل مرقومك
اقدار سزلی بالتحقیق تبیین ایتدیكندن كفالتك
معتبر طو تلمامسی اشعار اولمش وايكنجي دفعه

اوله رق مستأنفه ارتيا قادينك ارايه ایلدیکی كفيل
ايسه تجارندن بولنديني حالده تجارت اوطه سنجه
اصولنه توفيقاً درجه اعتباری تصديق قلنامش
اولديندن استيناف استدعائنامه سنك ردی مستأنف
عليه طرفندن طلب و درميان اولمش ايسه ده
كفيلك كفالتدن رجوع واستعفا سنه مساع قانونی
اولمديني و كفيلك اعتبار سزلقنه قرار ويره
بيلمك درسعادت تجارت اوطه سنك صلاحیتی
خارجنده اولديني کی ايكنجي كفيلك درجه
اعتبارينك تجارت اوطه سندن تصديق دخی صفت
تجاريه سنه متعلق احوال دن اولوب كفالتك عدم
قبولی ايجاب ایتیمه چکی بيانيه مستأنف عليهك
هرايکی كفالت سندرلی حقنده درميان ایلدیکی
اعتراضاتك رديله دعواي استينافيه نك دوام
محكمه سنه دائر و بربلان قرارك مستأنف عليهك
طلبيله طرفينه تبليغ واعطاسنه قرار ويرلديكندن
واشو قرار عليهنده مستدعی تمیز و كيللرينك
باشلو جه اعتراضاتی استيناف دعواسنه كفيل اولان
ايلسيو مبادینك اقدار سزلی رسماً تحق ايدوب
كفالتك عدم قبولی تجارت اوطه سندن نافع
و عدليه نظارت جليله لردن اشعار ايدلمشيكن
محكمه جه مرقومك كفالتيله و بربلان استيناف
استدعائسك قبول ايدلمسی و باراده سنیه جناب


ملوكانه تأسس ایدن تجارت اوطه سنك نظامنامه
مخصوصی احكامنجه بر كفيلك اقتدار و ياعدم
اقتدارينك تصديقي وظيفه سی منحصرأ مذكور
اوطه يه عائد بولنديني وايكنجي كفيلك درجه
اعتباری ذكر اولنان اوطه دن تصديق قلنامش
اولديني کی مقاولات محرركنجه چين تصديقده
ايكي نفر شاهدك جلب واشتهادی اوزره كفالت
سندینی امضا ايتدرد كده صكره معامله تصديقه -
نك اجراسی مقاولات محرركلی نظامنامه سی
احكامی اقتضاسندن اولديني حالده بوراسنه دخی
دقت واعتنا اولنامسی مخالف قانون اولديندن
بخله اعلامك نقضی استدعاسندن ومدعی عليها
و كيلك نتیجه جوابی دخی برنجي كفيل ايسوميا
دينك كفالتيله كندوسنده آخرك حق تعلق
ايلمش اولمسيله استعفا سی شرعاً و قانوناً جائز
اولميه چنی وايكنجي كفيل طومه بور كیادی
اصحاب ثروتدن اولوب ذاتی مقاولات محرركنجه
معروف اولمسيله كفالتی تصديق قلنامش اولديندن
هرايکی كفالتك بالقرض والتقرير معتبر اولمسنه
دخی استيناف ودعوی مدت قانونيه سی ظرفنده
وقوعبولسنه كوره تجديد كفالتدن بشقه برشی
لازم گیه چكندن اعتراضات واقعه نك رديله

موافق اصول وقانون اولان اعلامك تصديقي طلبندن عبارت بولمشد.

ايجابى لى المذاكره تمیزی طلب اولسان اعلام استينافى مآلندن مستبان اولدينى اوزره مزبور ارثيا قاديك اقامه ايلديكى استيناف دعواسنه باند مصدق كفالت ايدن ايسوميادى نام كسنةك كفالت واقعه سندن رجوع واستعفايه مساع قانونى اولدينى و كفيك اعتبار سز لغنه قرار و برمك درسمات تجارت اوطه سنىك صلاحيتى خارجنده اولدينى كى ايكنجى كفيك تجارت اوطه سنجه درجه اعتبارينك تصديقي دخی صفت تجاريه سنه متعلق احوالدين اولوب كفالتك عدم قبولى ايجاب ايتيه جى بيانيله مستألف عليه جابندن هرايكى كفالت سندرلى حقنده درميان اولنان اعتراضاتك رديله دوام محاكمه يه قرار و برمش ايسه ده استينافى محكمه سنه اعطا قلنان كفالت سندرلىك برنجيسى تجارت اوطه سنجه مصدق ايسه ده كفيك ايسوميادىك كفالتك معتبر اولدينى جهته عدم قبولى نافع و عدليه نظارت جليله لرندن محكمه يه اشعار اولدينى حالده مذكور كفالتنامهك قبول ايدلمسى مغاير قانون اولديغندن وايكنجى كفالتنامهك دخی بر موجب اراده سنيه حضرت پادشاهى تجارت اوطه سندن تصديق اولنماسى ومقاولات

محرر ليكنجه حين تصديقده ايكي نفر شاهدك جلب واشتهاديله كفالتنامه زيرينى امضا ايتدير. د كدن صكره معامله تصديقيه اجرا ايدلك مقتضى اولدينى حالده بوقاعده يعرايت اولديغندن مذكور كفالتنامهك اصول تصديقده قصورى محقق بولمش ايكن محكمه مذكورجه بوراسى نظر دفته التمهيق سالف الذ كر ايكي قطعه كفالت سندنك معتبر عدليه شرائط استينافيهك تماميه ذهاب اولنمى مخالف قانون بولمش و مستدعى تصحيحك اولياده مقدما اعلام استينافينك فنيك نقضى مستلزم درميان ايلديكى اعتراضات وارد اولدينى حالده اعلامده مكسوت عنه براقلايدى اكلاشامش اولديغندن اصول محاكمه حقوقيه قانونك ايكوز اللى درنجى ماده لرى موجبجه اعلام استينافينك نقضى صورتيله قرار سابقك تصحيحاً اصلاحنه قانون مذكور ايكوز قرق درنجى ماده سى حكمنه توفيقاً كيفيتك يكيكن بالرؤيه اعلامه ربطى ضمننده محكمه مذكورجه اعاده سنه وزيرده مقرر داتى مرقم در تيوزيكرمى درت بيق غروش مصارف محاكمهك ايلروده حق سز چيقه جق طرفه رجوع ايتك اوزره اول امرده ني قوله اجالادن التمسنه ۱ نيسان سنه ۳۱۰

تاريخنده هئت عموميه جه اكثريت آرا ايله قرار و بريله رك طرفين و كيللرينه تفهيم قلندى.



قالقاندان قضاسنه تابع قوم غير محصور ماورو قريه سى اهالى سى اعشارى ملتزمى سليمان اغا ايله قضاء مذكوره مربوط كذاك قوم غير محصور نيكفورده قريه سى اهالى سى واعشارى ملتزمى جالى اغا ييننده متحدث دعوايه دائر قوصوه استينافى محكمه سندن ۱۹ تشرين ثانى سنه ۳۰۹ تاريخى ويكرمى اوچ عددى ايله و بريلان اعلامك تصديقي حاوى دائره دن ۱ ايلول سنه ۳۱۰ تاريخى واوچيوز يكرمى درت عددى ايله صادر اولان اعلام عليهنده مذكور ماوروده قريه سى اهالى سى و ملتزم سليمان اغا و كيلى طرفندن اعطا قلنان تصحيح قرار استدعاسنده دعواى واقعه ايكي ملتزم ييننده اعشاردن منبعث اولدينى حالده قريتين مذكور تين ييننده حدود منازعه سنه

مرايت ايتديرلمسى جهتيه اراضى قانوننامه سنىك يوز يكرمى التجي ماده سنده كوستريلان اصوله توفيقاً فصل مدعا اولدينى ادعا قلنمسنه مبنى بوجهندن طولاني عرضحال مذكورك قبولندن صكره يوم معينده مستدعى تميز ماوروده قريه سى اهالى سى و ملتزمى و كيلى اسپاسلو ايله مدعى عليه نيكفور قريه سى اهالى سى ملتزمى جالى اغا و كيلى كيوه چطه يان افنديك ورود ايتش اولمريه ايضاحات شفاهيه ليله باش مدعى عمومى معاونلرندن سعادتلو يورغا كى افنديك مطالعه سى استماع قلندقدن صكره تدقيقات تميزيه اجرا سنه ابتدار اولندى.

اعلام مذكور خلاصه مالى مزبور جالى اغا اوچيوز سكر سنى و واردات عشره سى تحت التزامنده بولسان مذكور نيكفورده قريه سى حدودى داخلنده كائن يتش التى قطعه چايردن حصوله كلان كياك حق عشرى كندوسنه عايد اولدينى حالده مذكور ماوروده قريه سى اهالى سى ايله ملتزمى مرقوم سليمان اغا طرفندن او عشره مداخله اولديغندن بختله مداخله واقعهك منعى طلب و ادعا ايتمى وشخص ثالث صنفقيه داخل محاكمه اولان مذكور نيكفورده قريه سى اهالى سى

دخی مزبور جمالی اغانك ادعای واقعی یولنده
افاده ده بولملری ولاجل المحاكمه اولنان دعوت
مدعی علیهم ماوروده قریه سی ایله مرقوم سلیمان
اغا طرفندن اجابت قلمامسی اوزرینه غیا بلرنده
وکیل مسخر تعیینله جریان ایدن محاکمه وند
قیقات نتیجه سنده منازع فیہ یتمش اتی قطعه
چارک مذکور نیکفورده قریه سی حدودی
داخلنده اولدینی و حاصلات واقعه سنك حق
تعییری مرقوم جمالی اغایه عائد ایدو کی شهادت
واقعه لرله ثابت اولمسه بناءً مذکور ماوروده
قریه سی اهالیسی ایله ملتزمی مرقوم سلیمان اغانك
مذکور چارلرده مداخله لرینك منعیله امرتشرک
مدعی مزبور جمالی اغا طرفندن اجرا اولمسه
دائر قائلاندن بدایت محکمه سندن صادر اولان
اعلام غیای علیهمه مذکور ماوروده قریه سی
اهالیسی ایله ملتزم مرقوم سلیمان اغا طرفندن
قوصوه استیناف محکمه سنده بالمراجعه استیناف
دعواسی اقامه ایدلدیکی حالده هالی مرقومه طر
فندن محاکمه اجابت ایدلمش ایسه ده مرقوم
سلیمان اغا جانبندن تعقیب دعوی ایدلماسنه و حکم
ابتدائی موافق اصول و قانون بولمسه بناءً یالکز
مزبور سلیمان اغانك حق استینافدن سقوطیله حکم
واقعك تصدیقه قرار ویرلدیکندن و مستدعی

ایجابی لدی المذاکره دعوی واقعه ایکی
ملتزم بیننده اعشار حاصلاتی ادعا سندن عبارت

اولدینی حالده قریتین مذکور تین بیننده حدود
منازعه سنه سرایت ایتدیرلمسی جهته اراضی
قانوننامه سنك یوزیکرمی التجی ماده سنده کوستر
یلان اصوله توفیقاً فصل مدعا اولنحق لازم کلیر کن
محکمه مذکور جهه انف الیابان ماده نظامیه
توفیق معامله ایدلدیرک چند شاهدك استماعیله
مغایر قانون اولدیغندن و معاون مومی الیهك
مطالعہ سی دخی موافق نفس الامر بولدیغنه
بناءً اصول محاکمه حقوقیه قانون موقتک ایکوز
اللی دردنجی ماده سی موجبجه حکم سابقك
تصحیح قرار عرضحالی اوزرینه صلاحیتله تمیز
اولنان اعلامك قضی و قانون مذکورک ایکوز
قرق دردنجی ماده سی حکمنه توفیقاً کیفیتك
صورت مشروحه دائره سنده یکیدن بالرؤیه اعلامه
ربطی ضمننده محکمه مذکوریه اعاده سنه استدعا
خرجی اولان یوز غروشك اشبو اعلام خرجی
اولان یوز غروشه اجرای محسوبیله زیرده
مقدداتی مرقم درتیوز قرق یدی بحق غروش
مصارف سائر ك ایلروده حقسز چیقه جق طرفه
رجوع اوزره اول امرده مستدعی تمیزلردن
اخذینه ۲۰ تشرین اول سنه ۳۱۰ تاریخده متفقاً
قرار ویریلرک تفهیم قلندی .

قرتال بدایت محکمه سندن ۲۸ تشرین اول
سنه ۳۰۹ تاریخی و التمش بش عددی ایلر ویلار
اعلامك تمیزینی استدعا ایدن اطهر دائره بلدیسی
مدیریتی و کیلی عزتلو احمد جودت افندی یوم
معینده دائره کله رک مدعی علیه درسمعاده
جنبرلی طاش جوارنده مطبعه عثمانیه مدیری
سمعدتلو بکر سامی افندی کلدیکی کی جواب
لایحه سی دخی اعطا ایتدیکندن و کیل مومی
الیهك ایضاحات شفاهیه سیله باش مدعی عمومی
معاونلردن سمعدتلو یورغاکی افندیك مطالعه سی
استماع قلنهرق تدقیقات تمیزیه اجرا سنه ابتدار
اولندی .

اعلام مذکورک خلاصه مالی مومی الیه بکر
سامی افندیك گذران ایدن اوچیوز درت
سنه سنده اطهر قائمقامی اسبق سمعدتلو حشمت
بکک اطهر دائره بلدیسی چون سپارش ایدوب
طبع و تسلیم ایدیلان بهری یکر می بشر غروشدن
التمش جلد قوچان بدلی بیک بشیوز و بهری تمش
بشر غروشدن سکر جلد قوچان اتی یوز
واوچیوز بش سنه سی ظرفنده اعطا ایلمش
اولدینی دقاتیر و اوراق سائر اتمانی اولان اوچ
یوز اون غروشکه جمعاً یکون من جهت المجموع

د تریله قائم مقام مومی الیهک تذکره مذیله سی
ثبوت مدعیه کافی کورلایکندن اولباده کی اعلام
غیاپینک تصدیقه حکمدن و مستدعی تمیز دائرة
مذکوره و کیلی جودت افندینک اشبو حکم
علینده باشلوجه اعتراضاتی بدلی ادعا قلنان اوراق
مطبوعه نك اسبق اطهر قائم مقامی حشمت بك
افندی طرفندن امر و سپارش قلمسینه نظراً
بویاده کی خصوصتک طوغربدن طوغری به میر
مومی الیه عائد ایکن بویاده خصوصت توجه
ایتمیان دائرة حقنده اقامه دعوی اولنسی و ابراز
اولنان تقاریر صورتلری مومی الیه بکر افندی
طرفندن تنظیم قلمش اولمسيله دعوی حاضره به
بر کونا تأثیری اولمیه چنی کی قائم مقام مومی
الیهک تذکره مذیله سی دخی مدعینک ادعای
واقعه سنی مکذب بولندینی حالده محکمه جه بورالینه
دقت اولنقسزین برمنوال محرر حکم اولنسی
مغایر قانون اولدیندن بختله اعلامک نقضی استـ
طسندن و معاون مومی الیهک مطالعه سی دخی
دعوانک ثبوتنه اساس اتخاذ اولنان قائم مقام
قضاسنک تذکره مذیله سنده ادعای واقعی تأیید
ایدر بر کونه عباره موجود اولمدیغه منبی اعتراـ
ضات واقعه نك موافق قانون اولدینی بیانندن
عبارت بولنشد.

حیددی اون طقوز غروش حسابیه ایکی بیک
دورت یوز اون غروشک اطهر دائرة بلدی سندن
تحصیلی حکمنی متضمن غیاباً استحصال ایلدیکی
اعلام علیهنده دائرة مذکوره و کیلی جانبندن
اعطا قلنان اعتراض علی الحکم عرضحالی اوزرینه
وجاهاً اجرا قلنان محاکمه معترض و کیلی
اوراق مطبوعه نك جانب بلدی دن سپارش ایدلدـ
یکنه دائر دائرة جه بر کونا قید و اشارت موجود
اولیوب یالکز الی جلد قوچانک موجود اولمسيله
تقدیر قیمتله بدلی تسویه دائرة نك مهیا بولندینی
درمیان ایتمسه قارشو معترض علیه مومی الیه
بکر افندی دخی اوراق بلدی نامنه قائم مقام مومی
الیه جانبندن سپارش قلندینی مومی الیه حشمت
بکک برقطعه تذکره مزیله سيله مثبت بولندینی
بالیان تذکره مذکوره ایله اوراق مذکوره نك
قیمتترین مبین ایکی قطعه تقریر صورتی ابراز
واعطا ایتمسی اوزرینه اولباده سبق ایدن محاکمه
و تدقیقات نتیجه سنده کرچه معترض و کیلی
اوراق مطبوعه نك یالکز الی جلد قوچانک اخذ
ایلدیکنی بعدالاقرار اوراق و دفاتیر سائر نك
الندیغه دائر قیده ظفریاب اولنه مدیغنی تذکار
ایتمس ایهده معترض علیک اوراق مطبوعه نك
مقدار قیمتترین ناطق ابراز ایلدیکی تقدیر صوـ

الیهک مطالعه سی دخی بوجهته متدائر شایان قبول
کورنمش اولدیندن اصول محاکمه حقوقیه قانوـ
نك ایکی یوز اوتوز ایکنجی ماده سی موجبجه
اعلام مذکورک نقضیه قانون مذکورک ایکی
یوز قرقی دردنجی ماده سینه توفیقاً کیفیتک یکیدن
بالرؤیه اعلامه ربطی ضمیمه قرتال بدایت
محکمه سینه اعاده سینه وزیرده مفردانی مرقم اوج
یوز طقسان طقوز یجق غروش مصارف تمیزیه نك
ایلروده حقسز چیه جق طرفه رجوع ایتمک
اوزره اول امرده مستدعی تمیز بلدی مدیرینندن
اخذ واستیفاسینه ۳۰ ایلول سنه ۳۱۰ تاریخنده
متفقاً قرار و بریلهرک تفهیم قلندی.



حیدرده عاشق پاشا محله سنده اوتوز ایکی
نومرولی خانه ده ساکنه فاطمه زهرا خانم ایله غلطه ده
یکی سویوس خاننده التي نومرولی او طه ده مقیم
وارنه لی سیواسلی اوغلی ابراهیم افندی بیننده

ایجابی مذاکره اولندقه تمیز اولنان اعلام
مندرجانندن اکلاشدینی اوزره مومی الیه بکر
افندینک اوراق مطبوعه بدندن طولانی دائرة
بلدی دن ارامقه اولدینی مبالغ معلومه نك تحصیلنه
دائر اولان حکمه مبرز تقاریر صورتلریله اطهر
قائم مقامی اسبق حشمت بك تذکره مذیله سی
اساس اتخاذ قلمش ایهده انجق معترض بولنان
دائرة و کیلنک اثنای محاکمه سبق ایدن اقراری
قیدلرنده محرر اولدینی الی جلد تنظیمات قوچانک
طبع ایستدیرلایکندن عبارت واکا منحصر
بولندینی و قائم مقام مومی الیهک تذکره مذیله سنده
کی جوابی حکمنه کافی درجه ده اولدینی حالده
مومی الیه بکر افندینک دائرة و کیلنک تحت
اقرار و اعترافنده بولنان الی جلد قوچانندن ماعدا
وقوع بولان زیاده ادعاسنک اصول و قانون
دائرة سنده مومی الیه اثبات ایستدیرلمسی و ایدهـ
مدیکی تقدیرده بر موجب اقرار یالکز الی جلد
قوچانک بدله حکم ایدلمسی احکام قانونیه اقتضا
سندن بولنمش ایکن بویوله اجرای تدقیقات
اولنقسزین مدعینک دعواسی وجهله حکم اولنسی
یولسز و مغایر اصول و قانون بولنمش و مستدعی
دائرة و کیلنک بالاده محرر اعتراضیه معاون مومی

متحدث دعواه دائر محکمه استيفاف حقوق
قسمندن ۱۵ تشرین ثانی سنه ۳۰۹ تاریخی و یوز
یتیش سکر عددی ایله ویریلان اعلامک تقضی
حای دائره دن ۱۵ حزیران سنه ۳۱۰ تاریخی
ویوز طقسان الی عددی ایله صادر اولان اعلام
علینده مزبوره فاطمه زهرا خانم جانبندن اعطا
قلنان تصحیح قرار عرضحالنده مزبوره ابراهیم
افندی تفرغندن رجوع ایلدیکی خانه ده متولیا
اون ایکی سنه اقامت ایدوب خانه نک واقف
ومعدلاستقلال اولغله برابر ورته میسانده نیم
بولنسنه مبنی سنین مذ کوره ظرفنده مترا کم اجر
مثلنده تحصیلی حقنده کی اعتراضک مسکوت عنه
قالدینی ادعا قلمسندن وفی الحقیقه بوراسنک
مسکوت عنه قالمسندن طولانی عرضحال مذ کورک
قبولیه طرفینک لاجل استیضاح جلب ودعوتلرینه
مابعدی وار

اعلان

فاطمه جمیله خانمک بک اوغلی ۳۰ نوامبر وسیله
مقید اعلام موجبجه جانب بک ذمتنده محکوم به
الاجنی اولان معلوم المقدار مبالغک تأمین استیفاسی
ضمننده مدیون مومی الیهک متصرف اولدینی
اسکدارده باغلا باشنده طوبخانه لی اوغلی چشمه
سی جوارنده التوفی زاده محله سنده کان باغ و کوشکک
بک اوغلی بدایت محکمه سی ریاست اولیسی
جانبندن اعطا بیوریلان قراره توفیقاً تحت مجزه
الغش اولغله تاریخ اعلاندن اعتباراً اون بش
کون صکره بالمزایده فروخته تشبث اولنه جنی
بک اوغلی بدایت محکمه سی اجرا مأمورلنی
جانبندن اعلان اولنور .

۲۲ تشرین اول سنه ۳۱۳

ویا خود سند مصدق له بر کیل کوندرمد کیری
حالده حقلارنده معامله قانونیه نک اجرا قلنه جنی
معلوم اولق اوزره اعلان کیفیته ابستدار اولنور .

۱ تشرین ثانی سنه ۳۱۳

بور کبی اصنافندن واسیلک متوفی طاوقچی
مینا ذمتنده بااعلام شرعی الاجنی اولان مبالغک
تأمین استیفاسی ضمننده متوفای مرقومک سائر
ورنه سیله اقامه تکاهی مجهول بولنان کذلک ورته دن
ودولت علیه تبعه مسندن خرستو قاترینه ایله
متوفیه صوفیه قادینک اولادی ارستیدی ونیقو
لاکی ومیخالک بک اوغلنده وغلطه ده کان
متصرف اولدقیری املاکنه وضع یتیش اولدینی
حجزک تصدیق له املاک مجبوزه نک فروختی حقنده
بک اوغلی بدایت محکمه سی ایکنیجی حقوق
دائرهنده مرقومان خرستو قاترینه ایله متوفیه
مزبوره صوفیه قادینک اولادی ارستیدی
ونیقولاکی ومیخالک کذلک اقامه تکاهی مجهول
بولنان و صیلری قسطی علیه نه وصایه وزوجه سی
مزبوره صوفیه قادینه وارث اولدینی جهتله
اصالة اقامه ایلدیکی دعواسنک فصل ورؤیتی
اشبو اوچبوز اون اوچ سنه سی کانون اولنک
برنجی بازار ایرته سی کونه قرارلشدیریلهرق
اولبابده تنظیم قلنان درت قطعه دعوتنامه
ایله درت قطعه عرضحال صورتی اصول محاکات
حقوقیه قانوننک یکریمی التنجی ماده سی موجبجه
محکمه دیوانخانه سنه تعلیق ایدلمش اولدیغسندن
مرقومک یوم مذ کورده ساعت بش راده لرندن
بالذات محکمه مذ کوریه کلری وکلید کاری

عدد	
۱	تیمور قاریوله
۱	اوت مملو قاریوله مندری
۱	مرمر طاشلی بورو
۲	کبیر مرأت
۲	پنبه مملو صغیر یرمندری
۲	معدن دیوار غاز لامبه سی
۱۲	بللور برداق و قدح
۱۳	قهوه قنجانی
۱۶	قهوه قنجان طباغی
۱	تخته یمک ماصه سی
۱	مرمر طاشلی صغیر دولاب
۱	اوت مملو مندر

۱ مرمر طاشلی لاوومانه
۱ کهنه صندالیه
النی قادیسک زوجی یور کی قلفه ذمتسده
نفقه دن مترا کم الاجنی اولان مبالغ معلومه نک
تأمین استیقایسی ضمنتسده مدیون مرقومک مالی
اولوب تحت حجزه النمش اولان بالاده محرر اشیا
تاریخ اعلاندن اعتباراً اوچ کون صکره یعنی
اشنبو تشرین ثانیک اوننجی بازار ایرتسی کونی
ساعت بشدن صکره طوبخانه ده بات پازاری نام
محلده بالمزایده فروخت اولنه جنی درسمعات
اعلامات شرعیه اجرا دائره سندن اعلان اولنور .

۵ تشرین ثانی سنه ۳۱۳

(مطبعة عامره ده طبع اولمشدر)

۵ اوت مملو دیوار یصدیقی
۳ قاندره
۶ بلور قدح
۱ بوبر و طوزلق
۲ معدن قاشق
۳ سیغاره طباعی
۲ بلور یشلک
۲ بلور صو صراحیسی
۱ صابوناق
۲ بلور سر کهک
۱ تحته قهوه نسیسی
۱ بلور قانونوز
۱ کهنه قنابه
۲ قرمزی تحته توتون طابله سی
۲ طپراق کپرتلک
۲ طپراق سیغاره طابله سی
۱ طپراق یشلک
۲ چشکاری کوچک چیچکلک
۱ پارچه ایشلمه لی دیوار اصقیسی
۱ پنبه مملو یصدیق
۱ کهنه اوروپا کاری کپچه
۱ مستعمل یمک مشمه سی
۱ اوت مملو تحته مندری